



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 5. S. Nilus Calaber.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.  
A. C. 983.

Guerinus Abbas peregrinationibus af-  
fuetus cum Joanne Gradenico Jerosoly-  
mam commeare constituit, & licet Oli-  
banus, hoc eorum proposito comperto,  
cadentibus lacrymis rogaret, ne desere-  
rent virum pœnitentem, a Romualdo  
sibi tantopere commendatum, itineri se  
dederunt. Sed ecce, cum necdum pro-  
ximum campum emensi essent, equus,  
quo Guerinus vehebatur, calcitrans Gra-  
denici crus comminuit, qui ad montem  
Cassinum reverti coactus, ædificata pro-  
pe monasterium Cellula, annos ferme  
triginta ibi transegit, & vitam sanctam  
pari fine clausit. Olibanus post hæc Ab-  
bas Cusanensis fuit, & deinde Episcopus  
Alzonæ, ubi hodie solummodo tenuis  
pagus inter Carcaffum & Civitatem S.  
Papuli positus reperitur.

*Att. SS.*  
*Ben. Sæc. 6.*  
*p. 113.*

§. V.

*S. Nilus Calaber.*

*vit. interp.*  
*Carioph.*  
*p. 3.*

Sanctus Nilus quoque sub annum non-  
gentesimum octogesimum Cassinum  
venit. Is Roscianum, Calabriae Caput,  
unicam civitatem, cujus Græci domini  
erant, nam reliqua illius regionis Sarace-  
norum incursionibus vastabantur, pa-  
triam nactus, liberalissimam indolem li-  
terarum studiis excoluit. S. Scri-  
pturam manibus continuo terebat, &  
vitas Patrum legens mire delectaba-  
tur.



tur. Unde vitia & vanas observa- Sæculum X.  
 tiones, magicas notas, voces supersti- A. C. 938.  
 tiosas ad avertendum sinistrum casum  
 pronunciandas vehementer averfabatur.  
 Orbatus parentibus sub cura sororis piis-  
 simæ, natu majoris fuit; sed ad illam  
 ætatem, quæ flos juventutis est, perve-  
 niens habitus decore & amœnissima vo-  
 ce puellarum omnium animos & vota in  
 se convertit. Cumque etiam ipse amo-  
 rem virginis, loco humili quidem natæ,  
 verum specie inter cunctas alias præstan-  
 tissimæ, concepisset, desiderio communi-  
 candi cum ipsa liberos accensus, victus-  
 que est; ex quo commercio feminini se-  
 xus proles primo partu in lucem edita.  
 Attamen mortis & æterni supplicii me-  
 moria Nilum identidem ab hac libidi-  
 ne avocabat, & superveniens febris vio-  
 lenta effecit, ut fugere deinceps pecca-  
 tum statueret.

Igitur quadam die omnibus insciis  
 ædes debitorum suorum adit, dicit, se  
 vineam pulcherrimam reperisse, quam  
 emere cuperet, & recepta, quantam da-  
 re potuerunt, pecunia, spreta etiam fe-  
 bre in viam se dat cum Monacho, nomi-  
 ne Gregorio, ipsum ad Monasterium  
 suum deducente. Cum flumen supera-  
 ret, subito eum relinquit febris; quare  
 omen captavit, profectionem hanc Deo  
 gratam esse. Ita ad Monasterium Mer-  
 curiense



Sæculum X.  
A. C. 983.

curiense pervenit, ubi inter alios magni nominis viros Joannem, Fantinum & Zachariam habuit. Externum eorum habitum & paupertatem admiratus multo magis zelo perfectionis accensus est. Ipsi vero cum juvenis sapientiam, vocis, cum libros prælegeret, suavitatem, atque ingenii perspicacitatem cognovissent, jam tum augurabantur, eum non modo altum virtutis gradum consecuturum, sed etiam ad plurimorum aliorum salutem natum esse.

Paucis diebus ibi commorante Nilo, afferuntur epistolæ ab illius Provinciae Præfecto scriptæ, in quibus minabatur, si quis huic juveni manus imponere auderet, illum amputata dextra poenas daturum, monasterium autem sub dominium Principis redactum iri. Ergo illius loci Præpositis visum, in aliam Ditionem esse mittendum, ubi Sanctum habitum acciperet. Ipse Monasterium S. Nazarii delegit. Illuc pergenti occurrit in via Saracenus, cui sciscitanti, quis esset, unde veniret, & quo vaderet, Nilus quod res erat simpliciter aperuit. Saracenus mirari, quod hac ætate cucullo se involvere vellet (nam ad annos triginta necdum pervenerat, & vestibus pretiosis, quibus in sæculo usus fuerat, indutus incedebat) & dicere: *Expectandum tibi erat, dum consenuisses, tunc enim demum*

S. Nilus  
mundum fugiens.

p. 10.



*demum Monasterio maturus fuisses, si ta-* Sæculum X.  
*men aliquando monachus esse volebas. Ab-* A.C. 983.  
*sit! absit istud!* respondit Nilus, *nemo*  
*placet Deo, qui necessitate adactus, demum*  
*ad serviendum ei confugit. Nec vir se-*  
*nex pro Principe militare valet, nec Ser-*  
*vitio Dei aptus est. Deo serviam juve-*  
*nis, ut senem honoret.* Saracenus hoc  
 responso delectatus viam, qua ad memo-  
 ratum monasterium tendendum erat,  
 ostendit, animum addidit, ut inceptis in-  
 sisteret & benedixit. Tum Nilus totus  
 contremuit cogitans, quam prope exi-  
 tium fuisset, moxque multo vehemen-  
 tius expavit, audiens Saracenum recur-  
 rentem & magno clamore præcipientem,  
 ut gradum sifteret. Ubi coram adstitit,  
 dedit ei Barbarus panes candidos, quos  
 ferebat, quia sine annona iter facientem  
 videbat, & excusavit quod melius quid-  
 quam dare non posset. Exprobravit ve-  
 ro, quod expallescere & timeret se, vi-  
 rum, qui timeri non meruisset.

Cum Nilus haud plus aliquot passibus  
 a Monasterio abesset, obvium habuit  
 equitem, qui eum a proposito dimovere  
 conabatur, monachorum famam dire-  
 proscindens. Homines avaros esse affir-  
 mabat, vanam gloriam captantes, gulæ  
 deditos. Tam ampli sunt, inquiebat,  
 in Cucullatorum istorum culinibus lebetes,  
 ut in iis mihi & equo meo stantibus suf-



Sæculum X.  
A. C. 983.

ficens spatium foret. Respondere parabat Nilus; at ille concitato equo effugit. Tandem in Monasterium S. Nazarii intrantem Abbas monachique magna Charitate excipiunt, utque ab itinere fatigatum foverent pisces vinumque apponunt. Nilo autem satis fuit pane & aqua refici. Tum rogavit, ut sibi habitus monasticus daretur, ea conditione, ut post lapsum quadraginta dierum ad illud monasterium, unde venerat, redire liceret. Abbati videbatur Nilo, quamprimum Habitum monasticum recepisset, curam alterius cujusdam monasterii esse committendam, quod Nilus absurdum esse ratus jam tunc juramento se obstrinxit, nunquam officium recipiendi, cui Dignitas esset annexa.

§. VI.

*S. Nilus in Eremito.*

p. 18.

Completo quadraginta diebus Nilus, ad monasterium Mercuriense rediit, Patres maximo lætitiæ sensu recipiunt, præprimis Fantinus, cui Nilus dulcissimo amicitiae fœdere junctus est. Cum deinde præclaræ juvenis dotes ad notitiam Joannis, complurium Monasteriorum Præpositi, devenissent, ille Nili obedientiam variis modis probavit, optimam indolem amare cœpit, & Novitium fratrem aliquamdiu apud se detinuit.

Exin-